

**SAVEZ LOVAČKIH DRUŠTAVA  
TUZLANSKOG KANTONA  
T U Z L A  
SAVJET ZA LOVSTVO**

Broj: 04-53/19

Datum: 10.04.2019.godine

Na sjednici Savjeta za lovstvo SLD TK održanoj 10.04.2019.godine razmatran je i usvojen

## **OPERATIVNI KALENDAR AKTIVNOSTI**

**(U LOVIŠTIMA TUZLANSKOG KANTONA ZA LOVNU 2019/2020.GODINU)**

### **I UKLANJANJE ŠTETOČINA IZ LOVIŠTA**

#### **1. REDUKCIJA BROJNOG STANJA PASA I MAČAKA KOJI SE NEKONTROLISANO KREĆU PO LOVIŠTIMA (LUTALICE)**

Ove aktivnosti planirati i izvoditi u dane kako slijedi:

JUNI	2.	9.	16.	23.	30.
JULI		7.	14.	21.	28.
AUGUST		4.	11.	18.	25.
SEPTEMBAR	1.	8.	15.	22.	29.

Redukciju brojnosti pasa i mačaka koji se nekontrolisano kreću po lovištima obavezno je obavljati i u sve lovne dane predviđene operativnim kalendarom aktivnosti.

U slučaju nabavke i vještačkog unosa divljači u lovište obaveza je da se prethodno izvrši uklanjanje svih pasa, mačaka koji se nekontrolisano kreću po lovištima i ostalih štetočina i izvan utvrđenih dana uz odluku lovačkog društva.

Redukciju brojnog stanja pasa i mačaka koji se nekontrolisano kreću po lovištima, vršiti u skladu sa članom 13. Zakona o zaštiti i dobrobiti životinja.

Lovočuvari su obavezni da vrše redukciju brojnosti pasa i mačaka koji se nekontrolisano kreću po lovištima svaki dan na način kako je to propisano zakonom.

#### **2. Odstrel lisica i divljih mačaka**

Ove aktivnosti obavljati isključivo nedeljom i to:

OKTOBAR				13.	20.	27.
NOVEMBAR		3.	10.	17.	24.	25.
DECEMBAR		1.	8.	15.	22.	29.
JANUAR 2020.	1.	2.	5.	12.	19.	26.
FEBRUAR 2020.					2.	9.

Poslije 05. Januara je dozvoljen lov lisica i divljih mačaka bez upotrebe lovačkih pasa.

## II LOV LOVOSTAJEM ZAŠTIĆENE DIVLJAČI

### 1. LOV SRNEĆE DIVLJAČI

Na osnovu prijedloga članica Saveza i Savjeta za lovstvo, preporučuje se odstrel sanitarnog i uzgojnog karaktera **srndaća** u dane kako slijedi:

JUNI	15/16	29/30
JULI	06/07	20/21
AUGUST	03/04	17/18 24/25
SEPTEMBAR	07/08	14/15

Napomena; izlaske na srndaća organizovati u navedene dane i to;

Subotama izlasci za odstrel u dane: **15. i 29. Jun; 06. i 20. Jul; 03., 17. i 24. Avgust i 07. i 14. Septembar.** Nedjeljama jutarnji izlasci za odstrel u dane: **16. i 30. Jun; 07. i 21. Jul; 04., 18. i 25. Avgust, 08. i 15. Septembar.** Ulazak u lovište je subotom u 14,00 sati izlazak iz lovišta u nedelju u 14,00 sati

#### **Sanitarno-uzgojni odstrel srna i lanadi**

Lovačka društva, radi postizanja optimalne trofejne vrijednosti i održanja zdrave populacije srneće divljači, imaju obavezu organizovati sanitarno-uzgojni odstrel ženki i lanadi srneće divljači u periodu od 01. oktobra 2019. godine do 31. januara 2020. godine.

### 2. LOV DIVLJIH SVINJA,

Ove aktivnosti izvoditi u dane kako slijedi :

OKTOBAR	13.	20.	27.			
NOVEMBAR	3.	10.	17.	24.	25.	
DECEMBAR	1.	8.	15.	22.	29.	
JANUAR 2020 – VEPAR I NAZIME	1.	2.	5.	12.	19.	26.
FEBRUAR 2020- VEPAR I NAZIME	2.	09.				

Vepra je dozvoljeno odstrijeliti u sve lovne dane tokom godine predviđene kalendarom.

**Posle 05. januara zabrana lova sa psima bez obzira na vrstu i rasu.**

Ovu aktivnost obavljati po grupama od po deset lovaca, u koji broj ne ulaze pripravnici i gosti.

U januaru 2020. može se vršiti samo odstrel veprova i nazimadi (od 05. 01. bez lovačkih pasa)

U slučaju odstrela grupa je dužna izvršiti uplatu na ime odstrelne takse bez obzira na zdravstveno stanje ulova.

**Upozoravaju se sva lovačka društva da su obavezna izvršiti veterinarski pregled svake ulovljene divlje svinje.**

**NAPOMENA-VAŽNO:** Kod odstrela krupne divljači (divlje svinje) upotrebljavati lovačko oružije sa užljebljenim cijevima. Izuzetno, pri ostrelu divlje svinje dopuštena je upotreba jediničnog zrna iz lovačke puške sačmarice a najveća dopuštena daljina gađanja je 40 metara. (Pravilnik o načinu upotrebe lovačkog oružija i naboja SI. Novine FBiH 5/08)

### **3.LOV ZECA**

**Ove aktivnosti obavljati u dane kako slijedi:**

OKTOBAR	13.	27.
NOVEMBAR	10.	25.

### **4.LOV FAZANA**

OKTOBAR	13.	20.	27.		
NOVEMBAR	3.	10.	17.	24.	25.
DECEMBAR	01.	08.	15.	22.	29.
JANUAR 2020.	01.	02.	05.		

Lov fazanske divljači mogu planirati društva koja su u svoja lovišta unijela ovu vrstu divljači, i to u dane kada je navedeno u Kalendaru aktivnosti. Ovu vrstu divljači, loviti isključivo sa odgovarajućim psima.

### **5.KUNA I VUK**

OKTOBAR	13.	20.	27.			
NOVEMBAR	3.	10.	17.	24.	25.	
DECEMBAR	01.	08.	15.	22.	29.	
JANUAR 2020.	01.	02.	05.	12.	19.	26.

Vuka mužjaka dozvoljeno je odstrijeliti u sve lovne dane tokom godine predviđene kalendarom. Kuna zlatica se ne može loviti u oktobru mjesecu. Obje kune se mogu loviti nedjeljom do 23. 02.2020. godine prilikom organizovanja akcija na odstrel štetočina.

### **6.LOV MEDVJEDA**

Na utvrđenom uzgojnom području je moguće vršiti samo ukoliko se od strane nadležnog organa donese program upravljanja mrkim medvjedom na uzgojnom području i ako se ukaže potreba za komercijalni lov u Pravilnikom određeno vrijeme od 01.10.2019.god. do 31.12.2019.god. i od 01.03. 2020.god. do 31.03.2020.god. prema planu gazdovanja u LD „Sokolina“ Kladanj“, „Zelemboj“ Banovići i „Toplica“ Živinice kao i u ostalim lovištima ako se pojave štete od medvjeda uz obavezu izdavanja lovne dozvole i prijave odstrela Savezu..

### **7.LOV TETRIJEDA**

Zbog ugroženosti vrste nije planiran lov ove divljači u lovištima na području Saveza lovačkih društava TK

### **8. LOV DIVOKOZA**

Ukoliko postoje uslovi i potreba LD "Sokolina" Kladanj može organizovati lov u periodu od 01. 09. do 29. 12. 2019. godine.

## **9. LOV DIVLJIH PATAKA GUSAKA I CRNIH LISKI**

Divlje patke loviti u periodu od 01.09.2019. godine do 23.02. 2020. godine, nedjeljama i drugim danima koje odredi korisnik lovišta.

Divlje guske loviti u periodu od 01. 09. 2019. godine do 26. 01. 2020. godine (nedeljom i drugim danima koje odredi korisnik lovišta), dok crnu lisku loviti od 01.09.2019.godine do 26.01.2020.godine, samo nedeljom i to na jezerima Modrac, Sniježnica i drugim manjim vodenim površinama u skladu sa Zakonom o lovstvu. Preporučuje se lovačkim društvima koja gravitiraju jezeru Modrac da usklade dane lova na ovu vrstu divljači.

Lovačka društva koja nemaju jezera mogu loviti ovu vrstu divljači i na rijekama i drugim vodenim površinama isključivo nedjeljom i u dane kad se lovi i druga niska divljač uz poštivanje odredaba upotrebe naoružanja na udaljenosti od naselja u skladu sa zakonom

## **10. LOV PREPELICA I GOLUBOVA GRIVNJAŠA**

Lov prepelica i golubova grivnjaša obavljati u periodu od 04. 08. 2019. do 29. 12. 2019. godine.

## **11. LOV ŠLJUKE**

Ova vrsta divljači može se loviti u periodu od 13.10.2019.godine do 23.02. 2020. godine.

### **NAPOMENA :**

Lovačka društva su dužna da kod organizacije lova i određivanja visine odstrelne takse koja je određena cjenovnikom primjene odredbe člana 62. Zakona o lovstvu i Cjenovnika odstrela i korištenje divljači i drugih usluga u lovištu („Službene novine Federacije BiH“ br.12/09).

### **UPOZORENJE !**

1.Upozoravaju se lovačka društva da je u periodu od 01.04. do 31.07. 2019.godine i od 05.01. do 31.03.2020.godine zabranjeno izvođenje lovniha pasa u lovišta (osim žrtvovanih terena), bez obzira na vrstu, rasu i eventualnu specijalnost.

2.Upozoravaju se sva lovačka društva da se prilikom obavljanja lova striktno pridržavaju zakonskih propisa, u pogledu dozvoljenog naoružanja kojim se lovi kao i obilježja koja nose učesnici lova, a sve u cilju poštivanja zakonskih propisa i izbjegavanja neželjenih posljedica.

3.Sva lovačka društva su obavezna da imaju minimalno jednog lovačkog psa „krvosljednika“ ili drugog psa koji ima položen ispit u praćenju krvnog traga.

4.Sva lovačka društva su obavezna da tokom lovne sezone vode sve propisane evidencije a naročito evidencije iz kojih se može utvrditi brojnost divljači u lovištima.

5. Operativni kalendar aktivnosti u lovištima Tuzlanskog kantona za lovnu 2019/20 godinu je okviran a sve članice Saveza su dužne uraditi svoj kalendar aktivnosti za lovnu 2019/20 godinu u skladu sa odstrelnim kvotama planiranim godišnjim planom gazdovanja, a koji ne može izlaziti iz okvira Operativnog kalendara Saveza lovačkih društava Tuzlanskog kantona. Svi lovni dani navedeni u ovom kalendaru **ne moraju** biti navedeni u lovnim kalendarima lovačkih društava.

6. Sva lovačka društva su obavezna da, kod organizacije lova i gazdovanja lovištima, primjenjuju odredbe Zakona o lovstvu i podzakonskih akata ukoliko nisu u suprotnosti sa istim, te drugih zakonskih propisa koji definišu ili se tiču oblasti lovstva.

7. U slučaju potrebe, zbog pričinjavnja šteta, lovačka društva mogu donijeti odluku o određivanju dana za progon crne divljači, koja će vremenski biti u skladu sa Pravilnikom o vremenu lova lovostajem zaštićene divljači.

Predsjednik Savjeta za lovstvo

*Seid Čorlić, dipl.ing. šum.*